

傳燈二十八卷藥山法語云須向高高山頂立深深  
海底行此處行不易方有少相應又傳燈十七卷雲  
居云古人道欲得保任此事須向高高山頂立深深  
水底行有些子氣力

### 藥山參大宋

馬祖道一禪師錄云藥山惟儼禪師初參石頭便問  
三乘十二分教某甲粗知常聞南方直指人心見性  
成佛實未明了伏望和尚慈悲指示頭曰恁麼也不  
得不恁麼也不得恁麼不恁麼總不得子作麼生山  
因措頭曰子因緣不在此且往馬大師處去山稟命

恭禮祖仍伸前問祖曰我有時教伊揚眉瞬目有時  
不教伊揚眉瞬目有時揚眉瞬目者是有時揚眉瞬  
目者不是子作麼生山於言下契悟便禮拜祖曰你  
見甚麼道理便禮拜山曰某甲在石頭處如蚊子上  
鐵牛祖曰汝既如是善自護持侍奉三年一日祖問  
之曰子近日見處作麼生山曰皮膚脫落盡唯有一  
真實祖曰子之所得可謂悟於心體布於四肢既  
然如是將三條篋束取肚皮隨處住山去山曰某甲  
又是何人敢言住山祖曰不然未有常行而不住未  
有常住而不行欲益無所益欲為無所為宜作舟航

無父住此山乃歸祖

葉縣意到句到

續傳燈卷一葉縣章曰夫行脚禪流直須著付參學  
須具參學眼見地須得見地句方有相親分始得不  
被諸境惑亦不落於惡道畢竟如何委悉有時句到  
意不到句緣前塵分別影事有時意到句不到如盲  
摸象各說異端有時意句俱到打破虛空界光明照  
十方有時意句俱不到無目之人縱橫走忽然不覺  
落深坑

永平正法眼藏涉典錄卷二尾

永平正法眼藏涉典錄卷三

遠孫相州老梅菴主瑞方面山謹集

第二十一授記卷

四種受記

大論第四曰如首楞嚴三昧中四種菩薩四種受記  
有未發心而授記有適發心而授記有於前授記他  
人盡知已身不知有於前授記他人已身盡知又大  
藏法數第十八引菩提資糧論舉四種授記云一未  
發菩提心二共發菩提心三隱覆四現前授記聖言  
說與曰授果與心期日記一謂諸佛世尊觀諸衆生

根機利鈍，其有具增上信者，佛則令其發菩提心，而為授記。當得作佛，是名未發菩提心授記。增上猶也。二謂諸菩薩善根成熟，得增上行，但欲度脫一切眾生，同諸眾生共發菩提心，誓願同成正覺，蒙佛授記，是名共發菩提心授記。三謂此人修行精進，固當授記，恐其自聞授記，則志滿足，不復更發精進之心，如不授記，復恐眾人生疑，而謂此人修行精進，不蒙授記，故佛以威神之力，密為授記，當得作佛，使他人聞不使其自聞，是為隱覆授記。四謂諸菩薩成熟，出世善根，得不動地，即時蒙佛授記，是為現前授記。

### 八種授記

菩薩瓔珞經第八卷無著品第二十六云：「爾時世尊知眾會心各生此念，便告明觀菩薩曰：『汝今以能宣暢如來無著之行，如來聖慧不可窮盡，却後無數阿僧祇劫上方去，此五十河沙數諸佛剎土佛名無垢如來，至真等正覺，純有一乘教化眾生，不聞緣覺弟子之名，汝當作佛，名曰明觀如來，至真等正覺，明行成爲善逝，世間解無上士道法，御天人師，名佛世尊。』汝當作佛，其号如是。爾時眾會一切眾生見如來授明觀菩薩決，或有眾生有覺知者，不覺知者，爾時世

尊觀察人心各懷狐疑佛知其意便告明觀菩薩曰  
如來至真等正覺在大眾中授菩薩決有覺知者不  
覺知者有八因緣云何為八善男子善女人得如來  
決當成無上平等正覺一切眾人無能知者是謂如  
來授眾生決已身自覺餘人不知復次明觀若有善  
男子善女人在大眾中為如來所見授決餘人盡見  
已不覺知是謂如來授眾生決餘人盡見已不覺知  
復次明觀菩薩摩訶薩若有善男子善女人為諸佛  
世尊所見授決汝當成佛其号如是已知受決餘人  
亦見是謂如來授眾生決已自覺知餘人亦見復次

明觀菩薩摩訶薩若有善男子善女人在大眾中為  
如來所見授決自不覺知餘人亦不知是謂如來授  
眾生決自不覺知餘人亦不知佛復告明觀菩薩若  
有善男子善女人在大眾中受如來決然此受決之  
人乃在末行不近如來近如來者自謂受我決是謂  
如來授眾生決遠者覺知近者不覺復次明觀菩薩  
摩訶薩若有善男子善女人在大眾中為如來所見  
授決近如來者便自覺知今日如來而授我決遠如  
來者復自稱說如來今日授我業決為此眾生未應  
受決是謂如來授眾生決近者覺知遠者不覺佛復

告明觀菩薩摩訶薩若有善男子善女人為諸佛世  
尊所見授決當成佛時其号如是近者不覺遠亦不  
知是謂如來授衆生決遠近衆生皆不覺知佛復告  
明觀菩薩若有善男子善女人在大衆中為如來所  
見授決近者亦覺遠者亦知餘人不見是謂如來八  
因緣法授衆生決近者亦覺遠者亦知餘人不見亦  
時世尊告四部衆比丘比丘尼優婆塞優婆夷菩薩  
摩訶薩天龍鬼神乾沓耆阿須倫迦留羅真陀羅魔  
休勒人及非人汝等頗見明觀菩薩受記荊乎對曰  
非也世尊佛復告族姓子若有菩薩摩訶薩受如來

決初發道心受荊不同今此明觀菩薩受如來決已  
自覺知餘人不覺如此等人未獲如來四無所畏發  
心自誓未廣及衆生亦復未得善權方便是故受決  
已自覺知餘者不覺佛復告族姓子若有善男子善  
女人受如來決衆人盡見自不覺知如此等人發意  
弘普廣及衆生得四無畏發心曠大有善權方便教  
化衆生是故受決餘者盡覺已不自知佛復告族姓  
子若有善男子善女人受如來決已身自知餘者亦  
見如此等人在七住地今別空觀不計衆生有染着  
想初發道心不生此念我後成佛度尔所衆生不度

亦所衆生，心如虛空，不可沮壞，以獲如來四無所畏，得空觀三昧，善權方便，是故受決。已身自知餘者，亦見佛後告族姓子，若有善男子善女人受如來決，已身不覺餘者，不知如斯等人，未在三住不退轉地，雖有善權方便信樂三尊，供養承事諸佛世尊，然未得如來無着之行，未能淨佛國土教化衆生，是故受決。自不覺知餘者，不見佛後告族姓子，若善男子善女人受如來決，遠者得決，近者不得，如此等人，彌勒身，是何以故？此善男子善女人諸根具足，不捨如來無着之行，是故受決。遠者自覺，近者不知，佛後告族姓

子若善男子善女人受如來決，近者覺知，遠者不見，亦非衆會所能測度。如此等人在菩薩位，未能演說賢聖之行。今師子膺菩薩是也。衆相具足，不捨法本，於無想法中，不壞法性，是故受決。近者覺知，遠者不見，亦非衆會所能測度。佛後告族姓子，若善男子善女人如來授決，近者亦知，遠者亦見。如此等人，衆行具足，行不思議無量佛事，超生死海，漸至無爲岸，何以故此善男子善女人諸根具足，不捨如來無着之行，遍遊十方無量世界，作不思議顯佛神德。今柔順菩薩是也。是故近者亦知，遠者亦見。佛後告族姓子

若善男子善女人受如來決近者不知遠者不見如此等衆行未具未得善權方便雖復去離五欲之中未能備悉如來法藏今等行菩薩是也佛復告族姓子若有菩薩摩訶薩奉持修習八因緣法我今視之如已無異亦爲十方諸佛世尊所見擁護

### 十種授記

華嚴經五十五離世間品曰佛子菩薩摩訶薩有十種得授記何等爲十所謂內有甚深解得授記能順起菩薩善根得授記修廣大行得授記現前得授記不現前得授記因自心證菩提得授記成就忍得授記教化調伏衆生得授記究竟一切劫數得授記一切菩薩行自在得授記是爲十若諸菩薩安住此法則於一切諸佛所而得授記

### 玄沙靈山授記

### 禪類卷三出

### 古今拈拂偈

傳燈錄卷二十九雲頂山僧德敷頌古今大意曰古今以拂示東南大意幽微肯易參動指掩頭元是一斜眸拊掌固非三道吾舞筭同人會石鞏彎弓作者諳此理若無師印授欲將何見語玄談

授記莊嚴事

妙經卷四五百弟子受記品偈

釈迦牟尼佛因藥王菩薩

右文出妙經第四法師品

如來滅度之後

右文同上

維摩彌勒授記問答

維摩經卷四菩薩品曰時維摩詰來謂我言彌勒世  
尊授仁者記一生當得阿耨多羅三藐三菩提爲用  
何生得受記乎過去耶未來耶現在耶若過去生過

去生已滅若未來生未來生未至若現在生現在生  
無住如佛所說比丘汝今即時亦生亦老亦滅若以  
無生得受記者無生即是正位於正位中亦無受記  
亦無得阿耨多羅三藐三菩提云何彌勒受一生記  
乎爲從如生得受記耶爲從如滅得受記耶若以如  
生得受記者如無有生若以如滅得受記者如無有  
滅一切衆生皆如也一切法亦如也衆聖賢亦如也  
至於彌勒亦如也若彌勒得受記者一切衆生亦應  
受記所以者何夫如者不二不異云云

第二十二全機卷



機關

華嚴經大疏卷三十六曰轉更增長機關苦事隨生  
死流不能還返於諸蘊宅不求出離疏云機關苦事  
即是生苦言機關者頭無我故抽之則動息之便無  
若造業因生生不息鈔機關苦事者遠公釋云容物  
動處名之爲機於中轉者說以爲關因名爲機苦果  
隨轉說爲關

圓悟全機

圓悟廣錄卷十七拈古舉道吾漸源至一家予慰源  
撫棺木云生耶死耶吾云生也不道死也不道源云

爲什麼不道吾云不道不道行至中路源云諳和尚  
爲某甲道若不道則打和尚去也吾云打即任打道  
即不道師拈云銀山鐵壁有什麼階昇處山僧今夜  
錦上鋪華八字打鬧商量這公案去也生也全機現  
死也全機現不道僕不道箇中無背面直下便承當  
不隔一條線逼塞太虛空赤心常片片

第二十三都機卷

佛言佛真法身

金光明經第二四天王品偈云佛日清淨滿足莊嚴  
佛日暉曜放十光明如來面目最上明淨齒白無垢

如蓮華根功德無量猶如大海智洲無邊法水具足  
百千三昧無有缺減足下平滿千幅相現足指細縵  
猶如鷓鴣王光明晃曜如寶山王微妙清淨如鍊真金  
所有福德不可思議佛功德山我今敬禮佛真法身  
猶如虛空應物現形如水中月無有障礙如燄如化  
是故我今誓首佛月

盤山心月孤圓

傳燈卷七幽州盤山寶積禪師傳出

火珠水珠

大論第七曰問曰如火相上炎水相下潤風相旁行

是光明火氣應當上去云何遍滿三千大千世界及  
十方世界答曰光明有二種一者火氣二者水氣日  
珠火氣月珠水氣火相雖焰上而人身中火上下遍  
到日火亦然故夏月地上盡熱以是故知火不皆  
上

日面月面

碧岩第三則出

梭子月未圓

禪類卷十四出

佛告金剛藏

大圓覺經金剛藏菩薩章曰善男子一切世界始終  
生滅前後有無聚散起止念相續循環住復種  
取捨皆是輪迴未出轉迴而辨圓覺彼圓覺性即同  
流轉若免輪迴無有是處譬如動目能搖湛水又如  
定眼由迴轉火雲駛月運舟行岸移亦復如是善男  
子諸旋未息彼物先住尚不可得何況轉輪生死垢  
心曾未清淨觀佛圓覺而不旋復

第二十四畫餅卷

古佛云畫餅不充飢

傳燈卷十一香嚴智閑章云師遊歸堂偏檢所集諸

方詔句無一言可將酬對乃自歎曰畫餅不可充飢  
於是盡焚之按魏志本紀云明帝詔盧毓曰選舉莫  
取有名士如畫地作餅不可啖食

石烏龜

禪類二卷竹菴珪僧問如何是佛師云華陽洞口石  
烏龜投子頌古第十五則云舉僧問龍牙如何是祖  
師西來意牙云待石烏龜解語即向汝道

雲門餽餅

宏智頌古第七十八則出

先師云

天童淨祖再住淨慈錄上堂法語云六月連三伏人間似焰鑪且道如何是衲僧行履處依徧寒冰玉彷彿冷秋菰偕竹芭蕉入畫圖

一老一不老

傳燈錄卷二十九洞山頌

第二十五溪色山色卷

東坡偈

續傳燈卷二十內翰東坡居士蘇軾傳出

東林常總

續傳燈卷十六曰江州東林興龍寺常總禪師延平

施氏子久依黃龍密授大法決旨

東坡玉帶

禪類第十五曰佛印元禪師一日爲學徒入室適東坡居士忽到面前師遽云此間無坐榻居士未此作甚麼坡云暫借佛印四大爲坐榻師云山僧有一間居士若道得請坐若道不得即輸腰下玉帶子坡欣然云便請師云居士適來道暫借山僧四大爲坐榻只如山僧四大本空五陰非有居士向甚麼處坐坡不能加答遂留玉帶師却贈以衲衣坡作三偈云病骨難堪玉帶圍鈍根猶落箭鋒機會當乞食歌

姬院奪得雲山舊衲衣

靈雲志勤

傳燈卷十一有傳李出

長沙山河自己

傳燈卷十師章云僧問如何轉得山河國土歸自己  
去師云如何轉得自己成山河國土法僧云不會師  
云湖南城下好養民米錢柴多足四隣其僧無語師  
有偈曰誰問山河轉山河轉向誰圓通無兩畔法性  
本無歸。

琅琊長水因緣

續傳燈卷七曰秀州長水子璿講師郡之嘉興人也  
自落髮誦楞嚴不輟從洪敏法師講至動靜二相了  
然不生有省謂敏曰敲空擊木尚落筌蹄舉目揚眉  
已成擬議去此二途方契斯旨敏拊而證之然欲探  
禪源因知攸往聞瑯耶道重當世即趨其席值上堂  
次出問清淨本然云何忽生山河大地瑯耶憑陵答  
曰清淨本然云何忽生山河大地師領悟禮謝曰願  
侍巾瓶瑯耶謂曰汝宗不振久矣宜厲志扶持報佛  
恩德勿以殊宗爲介也乃如教再拜以辭後住長水  
承稟日顧衆曰道非言象得禪非擬議知會意通宗

曾無別致。由是二宗仰之。嘗疏楞嚴等經。盛行於世。  
黑暗業

觀佛三昧海經第五曰。黑暗地獄者十八重。黑山十八重。黑網十八重。鐵林十八重。鐵縵一山高八萬四千由旬。一一縵亦厚八萬四千由旬。一一縵間十八重鐵圍山羅列如林。此山陰闇。偷佛僧。燈明偷盜。父母師長。謗說法者。亦毀世俗。論義師等。不忌。算果不知慙愧。以此罪。故命終時。眼有電光。眩迅不停。即作是念。我有何罪。常見是火。即閉兩目。不顧欲見。命欲終時。獄率羅刹。擎大鐵牀。張大鐵傘。如大隊雲。乘

空而至。無形有聲。罪人欲往。命終坐鐵牀上。落黑闇處。刀輪上下斬斷其身。有大鐵鳥。背距長利。從山飛下。來攫罪人。痛急疾走求明。不得足下。疾藜穿骨。徹髓如是。悼惶經五百萬億歲。日月如前。彼人頭打諸黑闇山。腦流眼出。獄率羅刹以鐵叉安眼。眶罪畢。乃出為貧窮人。眼目角昧。盲冥無見。或被癩病。人所驅逐。如是罪報。經五百身。過是以後。遇善知識。發菩提心。十八小熱地獄者。如阿鼻獄。亦七重。城七重。鐵網無量。諸惡以為莊嚴。以不從師。教。與惡逆心。不知恩養。盜師。害師。汗師。淨食坐師。牀座。提師。鉢盂。藏去不

淨作種種惡毒藥飲師若沙門婆羅門作諸非法無  
有慚愧剝像破塔劫法寶物殺伯叔父母兄弟姊妹  
爭欲終時十八獄卒各以鐵叉擊一鬲獄加大寶蓋  
雨微細雨雨滴如華熱惱入心見雨清涼即作是念  
言願我得坐蔭蓋之下涼雨灑我不亦樂耶氣絕命  
終如一擲頃即坐劔林上百億劔刃皆出火燒刺  
其身空中寶蓋化為火輪從上而下直劈其頂身體  
碎裂為數千段上雨鐵丸從毛孔入獄卒羅刹以大  
鐵叉刺罪人眼或以鐵箭貫射其心悶絕而死須臾  
還活坐劔林上旋嵐猛風吹墮地獄時閻羅王告言

獄種沙作衆惡殺師誦師沙今生處名拔舌阿鼻沙  
在此獄當經三劫作是語已即滅不現

### 入寶山空手還

大智度論第一曰後次經中說信為手如人有手入  
寶山中自在能取若無手不能有所取有信人亦如  
是入佛法無漏根力學道禪定寶山中自在所取無  
信如無手無手人入寶山中則不能有所取無信亦  
如是入佛法寶山都無所得

### 吹堯

析疑論卷四曰桀紂之大足以吹堯楊墨之徒足以

謗<sub>レ</sub>釋云云

帝釋試行者

善信摩訶經上曰佛在舍衛國時有長者女名曰善信年始十五為人慈孝智慧博達少小常有六願不世俗事坐自思言萬物無常當歸於死乃至便正一心自誓持我身命自歸有神有靈知我心誠尔時天神現於虛空語善信言若當自歸西方安穩清淨法國乃至善誓敬華正心閉目數息帝釋化為端正男子年十八九手抱黃金住善信前以頌調之善信正心以正頌答訶男女欲帝釋踊躍又手勞之讚歎

山神試行者

智度論第十七曰有一優婆塞與眾賈客遠出遇天寒雪夜行失伴住一石室時有山神變為女身來試之曰白雪覆山地鳥獸皆隱藏我獨無所恃唯願見慰傷優婆塞兩手掩耳曰無羞弊惡人說此不淨語水漂火焚之不欲見聞汝有婦心不欲何祝作邪端欲樂情淺薄大苦可畏深山神聞之兩手擎捧送至伴中

犬齧枯骨

大般涅槃經第二十二德王品曰善男子菩薩摩訶



薩知五欲法無有歡樂得暫停如大醫枯骨如人持火逆風而行如逆毒蛇夢中所得路首果樹多人所擲亦如段肉衆鳥競逐如水上泡畫水之迹如織經盡如囚趣市猶如假借勢不得久觀欲如是多諸過惡

西天祖見爲外道屈

真諦三藏所譯婆藪槃豆傳曰佛滅後九百年中有外道名頻闍訶婆娑頻闍訶是山名婆娑譯爲住此外道住此山因以爲名心高狠慢自謂其法最大無復過者唯釋迦法盛行於世衆人多謂此法爲大我

頭破之即入阿輪闍國以頭擊論義鼓云我欲論義若我墮負當斬我頭若彼墮負彼宜輸頭國王秘柯羅摩訶袂多譯爲正勤曰王知此事即呼外道問之外道曰王爲國主於沙門婆羅門心無偏愛若有所習行法宜試其是非我今欲與叔迦弟子決判勝劣各須以頭爲誓王即聽許王遣人問國內諸法師誰能當此外道若有能當可與論義于時摩菟羅他法師婆藪槃豆法師等諸大法師悉往餘國不在摩菟羅他譯爲心願唯有婆藪槃豆師佛陀蜜多羅法師在佛陀蜜多羅譯爲覺親此法師本雖大解年已老

蘊神精味弱辨說羸微法師云我法大將悉行不在  
外道強梁復不更繼我今正當自當其事法師即報  
國王王仍尅曰廣集大眾於論義堂令外道與法師  
論義外道問云沙門爲欲立義爲欲破義法師答云  
我如大海無所不容沙如土塊入中便沒隨沙意所  
樂外道云沙門可立義我當破沙法師即立無常義  
云一切有爲法刹那刹那滅何以故後不見故以種  
種道理成就之是法師所說外道一聞悉誦在口外  
道次第以道理破之令法師誦取誦不能得令法師  
救之救不能得法師即隨負外道云沙是婆羅門種

我亦是婆羅門種不容殺沙今須鞭沙背以顯我得  
勝於是遂行其事王以三浴沙金賞外道外道取金  
布散國內施一切人還頻闍訶山入石窟中以咒術  
力召得夜叉神女名稠林從此神女乞恩願令我死  
後身變成石永不毀壞神女即許之其自以石塞窟  
於中捨命身即成石所以有此願者其先從其師龍  
王乞恩願我身未壞之前我所著僧伽論亦不壞滅  
故此論于今猶在婆藪槃豆後還聞如此事歎恨憤  
結不得值之遣人往頻闍訶山覓此外道欲折伏其  
狠慢以雪辱師之耻外道身已成石天親彌復憤懣

即造七十，真實論破外道所造，僧伽論首尾，凡解無一句得立，諸外道憂苦如害已命，雖不值彼師，其悉檀既壞，枝末無復所依，報讎雪耻，於此為之，衆人咸皆慶快。

第二十六佛向上事卷

悟本大師

傳燈十五師，章曰：唐咸通十年三月八日，端坐長往，壽六十有三，臘四十二，勅謚悟本大師。塔曰慧覺。

洞山佛向上

宏智拈古第三十六則出

枯木成示衆

續傳燈卷十二師，章出

雲居向上

傳燈卷十七出

曹山向上

傳燈卷十七出

智門拄杖頭上

佛果擊節下卷第九則云：舉僧問智門：如何是佛門？云：踏破艸鞋，赤脚走僧。云：如何是佛向上事？門云：拄杖頭上挑日月，雪竇拈云：千兵易得一將，難求。

道悟向上

傳燈十四石頭章出

黃檗評牛頭

傳燈卷九黃檗章出

第二十七夢中說夢卷

夢中說夢

摩訶僧祇律第六五幅曰夢中夢者如見夢即於夢中  
為人說夢是名夢中夢大般若經五百九十六卷般  
若分云復次善勇猛如人夢中說夢所見種種自性  
如是所說夢境自性都無所有何以故善勇猛莫尚

非有况有夢境自在可說如是般若波羅蜜多雖假  
說有種種自性而此般若波羅蜜多實無自性可得  
宜說復次善勇猛如夢不為顯示諸法而現在前如  
是般若波羅蜜多亦復不為顯示諸法而現在前

賣金須是買金人

續傳燈十九卷西京白馬江禪師僧問知師久蘊囊  
中寶今日開堂略借看師云不借借云為什麼不借  
師曰賣金須是買金人

釋迦牟尼佛言

妙經安樂行品偈

第二十八四攝法卷

四攝法

三藏法數卷十七云，四攝法此四通言攝者攝即攝受也，謂菩薩欲化導眾生，必須以此四法攝受使其依附，然後導以大乘正道，故維摩經云：先以欲鉤牽，後令入佛智是也。一、布施攝，謂菩薩以財法二種布施攝眾生也。若眾生樂財，即以財施攝之；若眾生樂法，即以法施攝之。眾生既蒙二施，利益因是生親愛心，依附受道得住，真理故名布施攝。二、愛語攝，謂菩薩隨順眾生根性，善言慰喻，則一切眾生樂聞善言。

因是生親愛心，依附受道得住，真理故名愛語攝。三、利行攝，謂菩薩起身口意善行，利益一切眾生，因是生親愛心，依附受道得住，真理故名利行攝。四、同事攝，謂菩薩以法眼明見眾生根性，隨其所樂，即分形示現同其所作，使其各霑利益，因是生親愛心，依附受道得住，真理故名同事攝。

布施之人衆皆樂見

法苑珠林第六十八引大寶積經曰：經曰，樂施之人獲五種名利，一、常得親近一切賢聖，二、一切衆生之所樂見，三、入大衆時人所崇敬，四、好名善譽流聞，十

方五能為菩提作淨妙因

### 施髮

本艸綱目慎微曰唐李勣病醫曰得鬚灰服之方止  
太宗聞之遂自剪髮燒灰賜服復令傳癰立愈樂天  
詩云古文前集剪髮燒藥賜切臣本艸又云宋呂夷簡疾  
仁宗曰古人言髮可治疾今朕剪髮與之合藥表朕  
意也鬚者在  
鬚上者

### 施砂

阿育王經第一生因緣品曰尔時世尊行至大路於  
大路中有二小兒一是何伽羅久履等兒一是何久履

等兒此二小兒在沙中戲第一小兒名闍耶第二小  
兒名毘闍耶此二小兒見世尊身三十二相第一小  
兒以沙為糗捧內佛鉢第二小兒合掌隨喜說偈言  
自然大慈悲圓光莊嚴身已遠離生死我今一心念  
以心念佛故捧沙以供養是時闍耶供養已而發願  
言以此善根當令我為一繖地王於佛法中廣作佛  
事佛知其心見其正願未來之世有勝妙果由佛如  
來為福田故以慈悲心而受此沙乃至佛告阿難言  
此兒者我入涅槃百年後當生波吐利弗多城名阿  
育為四子轉輪王信樂正法當廣供養舍利起八萬

四千塔，饒益多人，乃至佛時取沙，授與阿難，而語之言，汝取牛糞，用和此沙，塗佛經行地。云云。又出雜阿含經音義曰：伽伽羅久履寄，翻最勝姓，久履寄，翻姓。闍耶此云勝，毘闍耶此云不勝，糗阿含作麥，麩。

### 菴羅半果

阿育王經第五。半菴摩勒施僧因緣品。曰：大臣語太子，言阿育大王須臾應終，而今欲遣四十千萬金，送與鷄寺一切國王，以物為力。太子應當勒守物，人勿令金出。於是太子即便勒之。阿育王勅不復施行。唯有金器供王食用。王食訖已，便令送此金器與彼鷄

寺。乃至時，阿育王無復有物，唯半菴羅果在其手中。時阿育王心大悲惱，召諸大臣，乃以人民一切和合而語之，言：誰於今日為此地主？大臣起而作禮，合掌說言：唯天為主。更無異人。時阿育王淚落如雨。於是時阿育王即呼傍臣名曰跋陀羅目，而語之，言：我失自在，汝今於我為最後使。唯此一事，汝應當作。此半阿摩勒果，送與鷄寺。宣我語曰：阿育王禮眾僧足，昔領一切閻浮提地，今者唯有半阿摩勒果是我最後所行，布施願僧受之。此物雖小，以施眾僧，福德廣大。諸眾僧得阿育王半阿摩勒果，碎以為末，以置

羹中徧行衆僧乃至時阿育王以人扶起徧觀四方  
向衆僧處合掌而言今留珍寶此外大地乃至大海  
一切施僧云云

### 置舟渡橋

西晉釋法立法炬同譯諸德福田經曰佛告天帝復  
有七法廣施名曰福田行者得福生梵天何謂爲七  
一者興立佛圖僧房堂閣二者園果浴池樹木清涼  
三者常施醫藥療救衆病四作堅牢船濟度人民五  
者安設橋梁過度羸弱六者近道作井渴乏得飲七  
者造作園圃施便利處是爲七事得梵天福

### 回天

增補書言故事卷之一云唐張玄素爲諫議切直敢  
言太宗欲修洛陽宮玄素力諫中止魏徵嘆曰張公  
論事有迴天之力可謂仁人之言其利溥哉

### 周公吐握

史記魯世家曰武王崩周公相成王而使其子伯禽  
代就封於魯戒之曰我文王之子武王之弟成王之  
叔父我於天下亦不賤矣然我一沐三握髮一飯三  
吐哺起以待士猶恐失天下之賢人子之魯慎無以  
國驕人



管子

氏族排韻卷七云管仲名夷吾少與鮑叔牙游叔牙知其賢薦於齊桓以為相九合諸侯一匡天下仲之力也桓公稱爲仲父仲曰吾嘗與鮑叔賈分財利多自與叔不以我爲貪知我貪也吾嘗與鮑叔謀事而更窮困叔不以我爲愚知時有利不利也吾嘗三仕三逐叔不以我爲不肖知我不逢時也吾嘗三戰三走叔不以我爲怯知我有老母也公子糾敗吾幽囚受辱叔不以我爲耻知我不修小節而耻功名不顯也生我者父母知我者鮑子也撰管子八十六篇

第二十九恁麼卷

雲居恁麼

傳燈卷十七雲居章云師謂衆曰沙等師僧家發言吐氣須有未由凡問事須識好惡尊卑良賤信口無益傍家到處覓相似語所以尋常向兄弟道莫怪不相似恐同學太多去第一莫將未將來不相似八十老人出場屋不是小兒戲一言參差十里萬里難爲捉摸直至敲骨打髓須有未由言語如鉗夾鈎鎖相續不斷始得頭頭上具物物上明豈不是猜得妙底事道汝知有底人終不取次十度擬發言九度卻休

去爲什麼如此，恐怕無利益體得底，人心如臘月扇，口邊直得噴出，不是汝彊爲任運如此，欲得恁麼事，須是恁麼人，既是恁麼人，何愁恁麼事，學佛邊事是錯用心，假饒解千經萬論講得，天華落石點頭亦不守自己，事況乎其餘，有用處若將有限心識作無限中，用如將方木逗圓孔多少，奉訛設使擷花簇錦，事事及得及盡一切事，亦只喚作了事，人無過人終不喚作尊貴，將知尊貴邊著得恁麼物，不見從門入者，非寶捧上不成，龍知麼。

因地而倒亦因地起

西域記云，世親菩薩初以小乘爲業，况無着託病而召世親，因開大教，謂云及吾未死之前，讀吾所習經典，世親即讀華嚴，乃見毘盧法界普賢行海，因生信悟，嘆曰：可取利劍，斷吾舌根，用明已讚小乘之失。兄止之曰：如人因地而倒，亦因地起。昔日以舌毀於大乘，今可將舌以讚大乘，遂入山披覽大乘，造十地論論成之日，大地徧震，光明洞然。傳燈錄卷一曰：第四祖優婆塞多者，吒利國人也，亦名優波崛多，又名鄔波耆多，姓首陀，父善意，十七出家，二十證果，隨方行化，至摩突羅國得度者甚衆，由是魔宮震動，波旬愁

怖遂竭其魔力以害正法尊者即入三昧觀其所由  
波旬復伺便密持瓔珞縻之於頸及尊者出定乃取  
人狗蛇三屍化為華鬘輒言慰喻波旬曰汝與我瓔  
珞甚是珍妙吾以華鬘以相酬奉波旬大喜引頸受  
之即變為三種臭屎蟲蛆壞爛波旬厭惡大生憂惱  
盡已神力不能移動乃升六欲天告諸天主又詣梵  
王求其解免彼各告言十力弟子所作神變我輩凡  
陋何能去之波旬曰然則奈何梵王曰汝可歸心尊  
者即能除斷乃為說偈令其回向曰若因地倒還因  
地起離地求起終無其理波旬受教已即下天宮禮

尊者足哀露懺悔愆多曰汝自今去於如來正法更  
作燒害否波旬曰我誓迴向佛道永斷不善愆多曰  
若然者汝可口自唱言歸依三寶云云

十七祖鈴鳴

傳燈錄第二卷十七祖章出

依主隣近

華嚴經隨疏演義鈔第二十五曰六離合釋一依主  
二持業三有財四相違五帶數六隣近謂一名之中  
有能所等互相混濫故須明此六種之釋復以依主  
等皆有離合之意故云六離合釋離合意者如依主  
釋中以眼與識分

說為離眼識通說為合持業中藏與識有財中金剛  
與人相達中眼與耳帶數中五與蘊隣近中念與慧  
其意皆一謂所依為主如言眼識眼是所依為勝識  
與此同是能依為劣將劣依勝故名眼之識如臣依主能所  
相彰是為依主釋眼之識若云眼即識即屬持業釋也二持謂任持業  
謂業用如說第八藏識識是本體藏是業用攝用歸  
體體能持用藏即是識故名藏識體持業用是為持  
業釋三謂從他所有以得其名如言金剛金剛本是  
護法之神因執金剛宝杵得金剛名又如梵語俱舍  
華言藏藏有含藏之義以其含藏文義猶如世之庫  
藏能積聚財物故名藏將他名以顯己是為有財釋

四謂如說眼及耳等體性各別皆自為主猶如水火  
不相隨順而別雙舉故名相達釋五謂法上度量以  
數顯義也如說五蘊因數有五帶起本數即名五蘊  
乃至二諦等法無不皆然體帶數量故名帶數釋六  
謂從隣近為名如說四念住本是以慧觀察身受心  
法今云念者慧即揀擇照了念即明記不忘以念與  
慧其義隣近故隱慧之名而言四念所謂隱已從他  
也又如意與識之類皆然故名隣近釋四念住即四  
不淨二觀受是苦三觀  
心無常四觀法無我也

六祖風幡

六祖壇經卷出

五百蝙蝠

西域記第二三幅二十日罽羅都邏邑中有窣塔波羅漢  
 化波你尼仙後進之處如來去世垂五百年有大阿  
 羅漢自迦濕彌羅國遊化至此乃見梵志推訓稚童  
 時阿羅漢謂梵志曰何苦此兒梵志曰今學聲明業  
 不時進阿羅漢愆尔而笑老梵志曰夫沙門者慈悲  
 為情愍徧物類仁今所笑願聞其說阿羅漢曰談不  
 容易恐致深疑汝頗嘗聞波你尼仙製聲明論垂訓  
 於世乎波羅門曰此邑之子後進仰德像設猶存阿

羅漢曰今汝此子即是彼仙猶以強識翫習世典唯  
 談異論不究真理神智唐指流轉未息尚乘餘善為  
 汝愛子然則世典文辭徒疲功績豈若如來聖教福  
 智冥滋曩者南海之濱有一枯樹五百蝙蝠於中穴  
 居有諸商侶止此樹下時屬風寒人皆飢凍聚積樵  
 蕪蘆火其下煙焰漸熾枯樹遂然商侶中有一賈客  
 夜分已後誦阿毘達磨藏彼諸蝙蝠雖為火困愛好  
 法音忍而不去於此命終隨業受生俱得人身捨家  
 修學乘聞法音聰明利智並證聖果為世福田近迦  
 膩伽王與脇尊者招集五百賢聖於迦溼彌羅國

作毘婆沙論斯並枯樹之中五百蝙蝠也余雖不肖  
是其一數斯則優劣良異飛伏懸殊仁今愛子不許  
出家出家功德言不能述時阿羅漢說此語已示神  
通事因忽不現婆羅門深生敬異歎羨久之具告隣  
里遂放其子出家

### 十千游魚

北涼曇無讖譯金光明經第四流水長者子品初曰  
佛告樹神尔時流水長者子於天自在光王國內治  
一切衆生無量苦患已令其身體平復如本受諸快  
樂以病除故多設福業修行布施尊重恭敬是長者

子作如是言善哉長者能大增長福業之事能益衆  
生無量壽命汝今真是大醫之王善治衆生無量重  
病必是菩薩善解方藥善女天時長者子有妻名曰  
水空龍藏而生二子一名水空二名水藏時長者子  
將是二子次第遊行城邑聚落最後到一大空澤中  
見諸禽狼狐犬鳥獸多食肉血悉皆一向馳奔而去  
時長者子作是念言是諸禽獸何因緣故一向馳走  
我當隨後逐而觀之時長者子逐便隨逐見有一池  
其水枯涸於其池中多有諸魚時長者子見是魚已  
生大悲心時有樹神示現半身作如是言善哉善哉

大善男子此魚可憐汝可與水是故彌沙名爲流水  
復有二緣名爲流水一能流水二能與水汝今應當  
隨名定實時長者子問樹神言此魚頭數爲有幾所  
樹神答言其數具足足滿十千善女天介時流水聞  
是數已倍復增益生大悲心善女天時此空池爲日  
所曝唯少水在是十千魚將入坎門四向宛轉見是  
長者心生恃賴隨是長者所至方面隨逐瞻視目未  
曾捨是時長者馳趣四方推求索水了不能得便回  
顧望見有大樹尋取枝葉還到池上與作陰涼作陰  
涼已復更推求是池中水本從何來即出四向周徧

求覓莫知水處復更疾走遠至餘處見一大河名曰  
水生爾時復有諸餘惡人爲捕此魚故於上流懸險  
之處決棄其水不令下過然其決處懸險難補計當  
修治經九十日百千人功猶不能成况我一身時長  
者子速疾還反至大王所頭面禮拜却住一面合掌  
向王說其因緣作如是言我爲大王國土人民治種  
種病漸遊行至彼空澤見有一池其水枯涸有十  
千魚爲日所曝今日困厄將死不久惟願大王借二  
十大象令得負水濟彼魚命如我共諸病人壽命爾  
時大王即勅大臣速疾供給爾時大臣奉王告勅語

是長者善哉。大士沙今自可至象廐中，隨意選取，利  
益衆生，令得快樂。是時流水及其二子，將二十大象，  
從治城人借索皮囊，疾至彼河上流決處，盛水。象負  
馳疾走，還至空澤池。從象背上下，其囊水瀉置池中。  
水遂彌滿，還復如本。時長者子於池四邊徜徉而行，  
是魚爾時亦復隨逐，巡岸而行。時長者子復作是念，  
是魚何緣隨我而行？是魚必爲飢火所惱，復欲從我  
求索飲食。我今當與善女天爾時流水。長者子告其  
子，言沙取一象最大力者，速至家中，啓父。長者家中  
所有可食之物，乃至父母飲噉之分，及以妻子奴婢

之今一切聚集，悉載象上，急速來還。爾時二子如父  
教勅，乘最大象，往至家中，白其祖父，說如上事。爾時  
二子叔取家中可食之物，載象背，上疾還父所。至空  
澤池時，長者子見其子，還心生歡喜，踊躍無量。從子  
邊取飲食之物，散著池中，與魚食。已即自思惟：我今  
已能與此魚食，令其飽滿。未來之世當施法食，復更  
思惟：曾聞過去空閑之處，有一比丘讀誦大乘方等  
經典，其經中說：若有衆生臨命終時，得聞寶勝如來  
名號，即生天上。我今當為是十千魚，解說甚深十二  
因緣，亦當稱說寶勝佛名。時閻浮提中有二種人，一



者深信大乘方等，二者毀訾，不生信樂。時長者子作是思惟：我今當入池水之中，爲是諸魚說深妙法。思惟是已，即便入水。作如是言：南無過去寶勝如來，應供正偏，知明行足，善逝世間，解無上士，調御丈夫。天人師佛，世尊寶勝如來。本往昔時行菩薩道，作是誓願：若有衆生於十方界，臨命終時聞我名者，當令是輩即命終已，尋得上生三十三天。爾時流水復爲是魚解說如是甚深妙法。所謂無明緣行，行緣識，識緣名色，名色緣六入，六入緣觸，觸緣受，受緣愛，愛緣取。取緣有，有緣生，生緣老，老憂悲苦惱。善男子，天爾時流

水長者子及其二子，說是法已，即共還家。是長者子復於後時，賓客聚會，醉酒而卧。爾時其地卒大震動，時十千魚同日命終。既命終已，生忉利天。既生天已，作是思惟：汝等以何善業，因緣得生於此忉利天中？復相謂言：我等先於閻浮提內，墮畜生中，受於魚身，流水長者子與我等水及以飲食，復爲我等解說甚深十二因緣，并稱寶勝如來名號。以是因緣，令我等輩得生此天。是故我等今當往至長者子，所報恩供養。爾時十千天子從忉利天下，閻浮提至流水長者子大醫王家。時長者子在樓屋上，露卧眠睡。是十千

天子以十千真珠天妙瓔珞置其頭邊復以十千置其足邊復以十千置右脇邊復以十千置左脇邊雨曼陀羅華摩訶曼陀羅華積至于膝作種々天樂出妙音聲閻浮提中有睡眠者皆悉覺寤流水長者子亦從睡寤是十千天子於上空飛騰遊行於天自在光王國內處處皆雨天妙蓮華是諸天子復至本處空澤池所復雨天華便從此沒還切利宮隨意自在受天五欲時閻浮提過是夜已天自在光王問諸大臣昨夜何緣示現如是淨妙瑞相有大光明大臣答言大王當知切利諸天於流水長者子家雨四十

千真珠瓔珞及不可計曼陀羅華王即告臣卿可往至彼長者家善言誘喻喚令使來大臣受勅即至其家宣王教令喚是長者是時長者尋至王所王問長者何緣示現如是瑞相長者子言我必定知是十千魚其命已終時大王言今可遣人審實是事爾時流水尋遣其子至彼池所看是諸魚死活定實爾時其子聞是語已向於彼池既至池已見其池中多有摩訶曼陀羅華積聚成蘊其中諸魚悉皆命終見已即還白其父言彼諸魚等悉已命終爾時流水知是事已復至王所作如是言是十千魚悉皆命終王聞是

已心生歡喜，爾時世尊告道場善提樹神善女天，欲知爾時流水長者子，今我身是長者水空，今羅睺羅是次子水藏，今阿難是時十千，魚者今十千，天子是是，故我今為其授阿耨多羅三藐三菩提，記爾時樹神現半身者，今沙身是。

第三十者經卷

虛空闍講

禪類卷八云西山亮座主謁馬祖祖問講甚麼經師云心經祖云將甚麼講師云將心講云心如工伎兒，意如和伎者，六識為伴侶，爭鮮講得經師云心既講

不得莫是虛空講得麼云却是虛空講得師拂袖而去祖召云座主師回首祖云是甚麼師豁然大悟乃禮拜祖云這鈍根阿師你禮拜作甚麼師直得通身汗流遂歸謂眾云我一生所講經將謂無人及得今日被馬師一問平生工夫冰釋而已遂罷講直入西山杳無消息

藥山陞座

宏智頌古第七則出

二十七祖轉經

宏智頌古第三則出

大階轉經

類聚第八曰大階真禪師因有婆子令人送錢物至請師轉藏經師受施剎了便下禪牀轉一匝乃云傳語婆子轉藏經已竟人回舉似婆婆云比來請轉全藏如何只為轉半藏一本作趙州語

藥山看經

傳燈藥山章出

冶父道川偈

金剛經云須菩提我念過去無量阿僧祇劫於焚燈佛前得值八百四千萬億那由他諸佛悉皆供養承

事無空過者若復有人於後末世能受持讀誦此經所得功德於我所供養諸佛功德百分不及一千萬億分乃至筭數譬喻所不能及十七家注卷三注云川曰功不浪施頌曰億千供佛福無邊爭似常將古教看白紙上邊書黑字請君開眼目前觀風寂寂水漣漣謝家人祇在魚船

雲居維摩經

傳燈第十七雲居道膺章曰有一僧在房內念經師隔窓問闍黎念者是什麼經對曰維摩經師曰不問維摩經念者是什麼經其僧從此得入

沉香棧香

法苑珠林第四十九卷引南州異物志曰木香出日南欲取當先斫壞樹著地積久外自朽爛其心至堅者置水則沉名曰沉香其次在心白之間不是堅精不沉不浮與水平者名曰棧香其最小麤白者名曰槩香槩音僉

聖節

古尊宿錄二十一黃梅東山演和尚錄聖節上堂云十二月初八日今上皇帝降誕之辰不得說別事乃高聲云皇帝萬歲皇帝萬歲

祝聖黃牌

右出中峰和尚幻住清規

俵錢

俵字典分俵也謂表人於一分而與之也非限多少今日本謂米一俵之意同之

永平正法眼藏涉典錄卷三尾

町元本空編輯  
增註佛祖三經指南 大本全三冊

古田梵仙編輯  
增註護法論 大本全二冊

吉田義山編輯  
增註梵網古迹記下 大本全四冊

義水知泉編輯  
校本教觀綱宗釋義 大本全二冊

町元吞空編輯  
冠導原人論解 大本全三冊

因明入正理論 大本全一冊

冠註有宗七十五法記 大本全三冊

首六離合釋法式夏解 大本全一冊

各宗佛籍御經過去帖類  
金襴表紙四方金上等仕立  
出版雕刺製本佛畫彩色表具  
和漢洋新古書籍賣買

觀經妙宗抄會本 大本全五冊

法象次第初門 大本全三冊

大乘法苑義林章 大本全五冊

同決擇記 半紙本全一冊

冠註百法問答抄 大本全五冊

冠註補教編 大本全五冊

同孝論全 全一冊

吉田義山編輯  
首書瑩山傳光錄 大本全二冊

增註古田梵仙編輯  
冠註永平元禪師清規 大本全二冊

吉田義山編輯  
增註普觀坐禪義 大本全冊

吉田義山編輯  
增註坐禪用心記 大本全二冊

正法眼藏涉典錄 大本全十冊

櫛笥日光編輯  
增註參同契寶鏡三昧纂解 大本全一冊

從容錄筆削記 大本全二冊

首書增補  
臨濟慧照禪師語錄 大本全二冊

禪偈韻套 中本全二冊

禪偈摘要 中本全二冊

釋門一字千金集 薄葉新刻  
一名佛書字引 小本一冊




調進所

書林松栢堂

出雲寺文治郎

京都市三條通高倉東入枳屋町



109

140

五十四十三二十

光明 空華 海印三昧 轉法輪 坐禪儀 第二卷

十二九十八十七十六十

右時 右鏡 觀音 同下 行持

東亞圖書公司  
三〇九號  
門類西架號冊

019525-001-4

109-140

正法眼藏涉典錄

瑞方/編

[刊年不明]

ABG-0257

